

Cyngor Sir CEREDIGION County Council

ADRODDIAD I'R :	Pwyllgor Trosolwg a Chraffu Cymunedau Iachach
DYDDIAD:	15 Mawrth 2022
LLEOLIAD:	Dros Zoom
TEITL:	Gwasanaethau y Canolfannau Lles - Cynigion Hyrwyddo
PWRPAS YR ADRODDIAD	Darparu enghreifftiau o'r amrywiadau i'r Ffioedd a Chodiannau y bydd y Gwasanaeth Canolfannau Lles yn eu cyflwyno am gyfnod amser penodol/ fel cynigion hyrwyddo.
RHESWM PAHAM Y BU I GRAFFU OFYN AM Y WYBODAETH	Bu i aelodau ofyn am fwy o wybodaeth yn y cyfarfod a gynhaliwyd ar 15.2.2022

CEFNDIR:

Bydd gan Wasanaethau'r Canolfannau Lles sydd o dan Borth Cymorth Cynnar rôl critigol wrth ddarparu cyfleoedd sy'n cyfrannu at ganlyniadau iechyd a lles ein preswylwyr.

Bydd annog preswylwyr i gymryd rhan rheolaidd mewn gweithgareddau corfforol yn cyfrannu'n uniongyrchol at well iechyd meddwl a chorfforol ein cymunedau ac yn cynorthwyo i adeiladu gwytnwch unigol a lleihau dibyniaeth ar wasanaethau iechyd.

Un elfen o Wasanaethau'r Canolfannau Lles yw rhedeg cyfleusterau hamdden y Cyngor yn:

- Canolfan Hamdden Aberaeron
- Canolfan Hamdden Aberteifi
- Canolfan Hamdden a Phwll Nofio Llanbedr Pont Steffan
- Canolfan Hamdden Plascrug
- Neuadd Chwaraeon Penglais
- Cae pob tywydd Synod Inn

Mae'r gwasanaeth yn creu incwm drwy godi tâl am ddefnyddio ei gyfleusterau a mynediad i raglenni gweithgareddau caiff eu darparu.

Yn 2018/19 (cyn y pandemig) roedd yr incwm a grëwyd gan y gwasanaeth yn cyfateb i £752,673 ac roedd oddeutu £176,000 o'r ffigwr yma o ganlyniad i becynnau aelodaeth (ffi misol penodol ar gyfer lefelau defnydd amrywiol o ran nofio, yr ystafell ffitrwydd a dosbarthiadau ymarfer. Roedd yr incwm a grëwyd a'r Arian grant yn 55% o gyfanswm y gost o ddarparu'r Gwasanaethau Canolfannau Lles a darparwyd y gweddill gan arian craidd y Cyngor.

Fel gwasanaeth anstatudol bydd yn ofynnol i'r gwasanaeth Canolfannau Lles ddenu pobl i ddefnyddio ei gyfleusterau. Mae nifer o elfennau all ddylanwadu ar lle a phryd y bydd rhywun yn penderfynu i fod yn actif ac y mae'r prisiau a godwyd yn rhan o hyn.

Mae'r cynnig yma'n ymwneud â dirprwyo awdurdod i'r Cyfarwyddwr Corfforaethol a'r Swyddog Arweiniol Corfforaethol Porth Cymorth Cynnar mewn ymgynghoriad ag Aelod Cabinet â'r portffolio er mwyn amrywio'r Ffioedd a Chodiannau ar gyfer 2022/23 er mwyn rhedeg cynigion tymor byr / amser penodol i ddenu mwy o blant, pobl ifanc, unigolion a theuluoedd i gymryd rhan rheolaidd mewn gweithgareddau corfforol a dilyn ffordd o fyw iachach.

Bydd y cynnig yn gweddu gyda'r System Rheoli Hamdden newydd y bu i'r gwasanaeth ei gaffael yn ddiweddar. Bydd y System Rheoli Hamdden newydd yn darparu gwasanaeth bydd yn medru darparu gwell data ar ei gwsmeriaid a bydd hefyd yn galluogi pobl i archebu gweithgareddau ar lein drwy app. Bydd yn galluogi'r gwasanaeth i ddatblygu ei berthynas gyda'i ddefnyddwyr a gwella eu profiadau wrth ddefnyddio'r ddarpariaeth. Bydd hefyd yn fodd o ddarparu'r gwasanaeth â'r wybodaeth a'r data y bydd ei angen arnom er mwyn gwneud penderfyniadau am gynnig cynigion hyrwyddo amser penodol / cyfnod byr

Prif bwrpas cynigion hyrwyddo yw :

- a) Denu cwsmeriaid newydd
- b) Cynyddu'r defnydd a wneir o'r canolfannau
- c) Cadw defnyddwyr
- d) Cynyddu defnydd yn ystod amserau tawel
- e) Creu incwm (tymor byr a thymor hir)

Mae'n bosib y gall cynigion hyrwyddo fod yn briodol i'r holl gyfleusterau caiff eu rhedeg gan y Gwasanaeth Canolfannau Lles neu dim ond un ohonynt. Bydd hyn yn ddibynnol ar yr hyn y mae'r data yn dweud wrthym hynny yw, mae'r ddarpariaeth yn amrywio o safle i safle fel y bydd y cynigion hyrwyddo. Caiff pob cynnig ei adolygu er mwyn cael syniad o ran pa mor llwyddiannus ydyw ac mae'n bosib y caiff ei ail-adrodd; ei newid neu ei ddiystyru yn gyfan gwbl.

Bydd yn rhaid ystyried yn ofalus y cynigion fydd ar gael am na ddylent danseilio gwerth y gwasanaeth i gwsmeriaid cyfredol. Fel arfer nid yw cynigion hyrwyddo yn costio'r darparwr yn ariannol am eu bod yn gysylltiedig â darpariaeth gyfredol.

Mae enghreifftiau o gynigion hyrwyddo'n cynnwys:

- Digwyddiadau lechyd a Lles - achosion lle bydd pris newydd i adlewyrchu cymysgedd o weithgareddau caiff eu cynnig mewn un digwyddiad (achosion lle byddai adio prisiau'r gweithgareddau unigol yn afrealistig ac yn rhy ddud.
- Ymgyrchoedd lechyd - creu cynnig fydd yn ffocysu ar ymgyrch iechyd penodol e.e. cwrs chwech wythnos wedi ei anelu at leihau risg ar gyfer y rheiny sydd ar fin dioddef o glefyd y siwgr.
- Llai o bris am weithgaredd sy'n cymryd lle fel arfer ar gyfnod tawel o'r dydd e.e. nos Wener, prynhawn Sadwrn / Sul.

- Achosion lle bydd ail blentyn yn hanner pris neu am ddim ar gyfer gweithgaredd penodol e.e. Ystafell Chwarae Meddal ym Mhlascrug.
- Dewch â ffrind am ddim pan fyddwch chi'n talu am weithgaredd.
- Pecynnau Aelodaeth Gwyliau ar gyfer myfyrwyr sy'n dychwelyd gartref o'r Brifysgol.
- Cyfeirio ffrind a derbyn aelodaeth mis am ddim pan fyddant yn dod yn aelod.

Er y bydd yn bosib cynllunio rhai digwyddiadau ymlaen llaw yn aml iawn bydd newidiadau yn ein hamgylchedd gweithredu lle rydym ond yn medru ymateb yn adweithiol e.e. ymgyrchoedd iechyd cyhoeddus cenedlaethol ar fyr rybudd.

Ar achosion fel hyn yn benodol bydd yn bwysig ein bod yn medru ymateb yn gyflym am fod yr amser fydd angen i gymeradwyo amrywiaeth mewn pris unigol yn medru cael effaith andwyol ar ein bwriad a lleihau ein gallu i fod yn gystadleuol a thrwy hynny colli cyfle i hyrwyddo gweithgareddau corfforol a'i fanteision o ran iechyd a lles i'n preswylwyr.

Nid yw cynigion hyrwyddo'n rhywbeth newydd o fewn cyfleusterau caiff eu rhedeg gan awdurdodau lleol:

- Mae Hamdden Sir Benfro yn gweithredu system o brisiau gostyngedig hyd at 1 Ebrill 2022.
- Bu i Actif Sir Gâr gynnig aelodaeth am ddim am fis i unrhyw un wnaeth ymuno ar Ddiwrnod San Folant.
- Mae Freedom Leisure (Powys) yn cynnig 12 mis o aelodaeth am bris 9 mis (ar aelodaeth blynyddol wedi ei dalu'n llawn)
- Bu i Celtic Leisure (Castell Nedd Port Talbot) gynnig cyplau wnaeth ymuno ar ddiwrnod Sant Folant y cyfle i ennill aelodaeth am fis am ddim.

Mae'r awdurdod lleol yn gweithio mewn partneriaeth â chyfleusterau ymddiriedolaeth gymunedol yn Aberaeron, Aberteifi, Llandysul a Thregaron. Gan fod y cynigion uchod mor wahanol a'r pellter sydd rhwng cyfleusterau y cynghorau yma mae'n annhebygol y bydd y cynigion hyrwyddo'n cael effaith negyddol ar yr ymddiriedolaethau cymunedol. Mae'n fwriad gan y Gwasanaeth Canolfannau Lles i archwilio potensial rhai cynigion aelodaeth ar y cyd gyda'r cyfleusterau ymddiriedolaeth gymunedol pan fydd y System Rheoli Hamdden newydd ar waith.

Oes Asesiad Effaith Integredig wedi ei gwblhau? Na

**LLESIANT
CENEDLAETHAU'R
DYFODOL**

Crynodeb:

Hirdymor:

Cynigion hyrwyddo tymor byr i annog pobl i gymryd rhan dros gyfnod hir.

Integreiddio:

Effaith bositif ar lechyd a Lles a'r Economi.

Cydweithio: Bwriedir archwilio'r posibilrwydd o gael pecynnau Aelodaeth ar y Cyd gyda'r cyfleusterau Ymddiriedolaeth Gymunedol

Cynnwys: Gofynnir am adborth oddi wrth gwsmeriaid ar gynigion hyrwyddo. Yn ddiweddar clustnodwyd cost mewn ymarfer ymgysylltu â'r cyhoedd yn ddiweddar ar y Cynllun Gweithgareddau Corfforol newydd.

Atal: Bydd cynnydd yn lefel y gweithgareddau corfforol yn cyfrannu at well lechyd a Lles

ARGYMHELLIAD

Dirprwyo awdurdod i'r Cyfarwyddwr Corfforaethol a'r Swyddog Arweiniol Corfforaethol Porth Cymorth Cynnar mewn ymgynghoriad ag Aelod Cabinet â'r portffolio er mwyn amrywio'r Ffioedd a Chodiannau ar gyfer 2022/23 er mwyn rhedeg cynigion tymor byr / amser penodol i ddenu mwy o blant, pobl ifanc , unigolion a theuluoedd i gymryd rhan rheolaidd mewn gweithgareddau corfforol a dilyn ffordd o fyw iachach.

RHESWM DROS YR ARGYMHELLIAD:

- Cynyddu nifer y bobl sy'n cymryd rhan mewn gweithgareddau corfforol
- Cynyddu defnydd cyfleusterau hamdden y cyngor
- Cynyddu'r incwm

Enw Cyswllt: Elen James / Carwyn Young
Swydd: Swyddog Arweiniol Corfforaethol - Porth Cymorth Cynnar / Rheolwr Corfforaethol - Canolfannau Lles
Dyddiad yr Adroddiad: 17.02.2022
Acronymau: System Rheoli Hamdden

Atodiadau: